





1730, 26

FACULTATIS JURIDICÆ
 P. T.
 DECANVS,
 ERNESTVS TENZELL,
 JCTVS,

EMINENTISSIMI AC SERENISSIMI PRINCIPIS
 ELECTORIS MOGVNTINI CONSILIARIVS RE-
 GIMINIS, JVDICII PROVINCIALIS ERFORDIEN-
 SIS ASSESSOR, AC DICTÆ CIVITATIS
 CONSVL PRIMARIVS.

L. B. S.



ERFORDIÆ,
 Typis JOH. CHRISTOPH. HERINGII,
 Acad. Typogr.





Quod Imperatores *Valentinianus, Theodosius & Arcadius* in *L. 14. C. de contrah. emt.* rescripserunt: *Dudum proximis consortibusque concessum erat, ut extraneos ab emtione removerent neque homines suo arbitratu vendenda distraberent: sed quia gravis hæc videtur injuria, quæ mani honestatis colore velatur, ut homines de rebus suis facere aliquid cogantur invito, superiore lege cassata, unusquisque suo arbitratu querere, vel probare poterit emptorem: illud quidem ad effectus dominii recte referatur, quod quilibet rei suæ debeat esse liberrius moderator & arbiter l. 21. C. mand.* Et quod æquitati naturali nihil tam conveniens sit, quam voluntatem domini, rem suam in
alium

alium transferre volentis, ratam haberi, *sec. §.*
40. §. de R. D. Aliud tamen sapissimè even-
tum docere, experientia testis est; ita ut ar-
bitrium Domini haud raro impedimentum
capiat *v. pr. §. quib. al. lic.* Sive per naturam,
sive per conventionem, per Magistratum etiam,
Testatorem, vel per Legem. Sic enim per Na-
turam restrictio liberæ dispositionis contingit
in illis, in quibus principia consensus, intelle-
ctus & voluntas impediuntur, quod fit in in-
fantibus, furiosis, mente captis extremè ebris,
& similibus. Conventio præterea obicem sæ-
pe ponit Domino, ita tamen ut pactum expref-
sum ne quis rem suam alienet, non impediatur,
regulariter dominii in alium translationem, *l. p.*
ff. de pact. l. 15. pr. ff. de servit. Cum nimis du-
rum esset, ut quis re sua uti prohibeatur, quam-
vis consulere sibi alter per actionem ad id
quod interest, vel poenæ stipulatione, si quæ
adjecta est, possit, *l. 38. §. 17. ff. de V. O. l. 49. ff.*
de recept. & aliud sit, si pactum adjectum sit
prioris dominii, in casum contraventionis, refer-
vativum, *v. L. 13. ff. de pignor. act.* Sic & in pa-
cto resolutivo additione in diem, fieri potest,
ut dominium ipso jure ad venditorem *l. 41.*
ff. de

ff. de R. V. Et aliquando in pacto *L. commissoria v. l. 4. C. de pact. inter emt.* redeat, & sic dominorum dispositiones circa res suas normam capiant. Magistratus prohibitione impeditur aliquando alienatio v. g. ob utilitatem publicam, vel quando prodigis per decretum administratio est interdicta, *l. 6. ff. de V. O.* Testamento etiam leges posse dari alienationibus, dubium nullum est. Quæ aliquando dominii translationem impediunt, *v. l. 11. C. de fidei-comm.* ubi tamen interfit an verba prohibitiva in rem sint concepta, an in personam, *v. l. 38. §. 5. ff. de leg. 3. it. l. 89. §. 1. ff. de V. S.* Lege etiam effectus dominii multis modis sunt restricti, tam quoad negocia inter vivos, quàm quoad ultimarum voluntatum causas. Illorum ratione specialiter quæ de pupillis, minoribus, fœminis, filiis familias &c. jura specialiter disposuerunt, attendenda veniunt. Has quod attinet, dicitur quidem in *L. 1. C. de SS. Eccl.* *Nihil esse, quod magis conveniat fidei humane quàm, ut supremæ voluntatis (postquam jam aliud velle non possunt) liber sit stylus, & liberum, quod non redit, arbitrium.* Et eadem videtur fuisse intentio *Legum 12. Tab.* in verbis: *uti quisque rei suæ legasset*

gassit, ita jus esto: Quæ tamen libertas plenissima Romanis displicuit, ideoque Lege *Furia* cautum fuit, ne suprâ mille asses, cuiquam legare liceret, ut autor est *Ulpianus, in fragmentis Tit. 1. §. 1.* Præterea Lex *Voconia* lata: ne quis Legatariorum plus caperet, quàm heredi obtingere possêt. Cum verò facilè ita evenire potuerit, ut ita parum heredibus consultum esset. ad alias cautelas progressus factus, Legis scil. *Falcidiæ*, seu plebisciti, rogante *P. Falcidio*, Tribuno plebis, *ne minus, quam pars quarta* hereditatis maneret penes heredem, qui detraheret, quod plus dodrante legatum foret, *l. 1. pr. ad L. Falc.* Quæ *Falcidiæ* ratio efficit, ut legatum, quatenus ultra dodrantem relictum est, sit ipso jure nullum *l. 73. §. f. ff. ad L. Falc.* ejusque dominium eatenus in legatarium non transfertur, *l. 18. C. eod.* Quæ æstimatio hereditatis juxta eam quantitatem, quæ est tempore mortis computanda *§. 2. J. de Leg. Falc. l. 56. ff. eod.* Æstimatio verò rei legatae, juxta commune pretium. *l. 63. ff. eod.* In specie verò quomodo circa alimentorum & ususfructus legatum æstimatio facienda, normam præbet notabilis *L. Computationi 68. ff. ad L. Falc.* Quam explicandam sibi elegit

NOBI-

NOBILIS ET CLARISSIMVS JVRIS CANDIDATVS
DOMINVS
GOTTLOB HENRICVS
VULTIVS

Natus is est Rechenbergi, Vico Misniae suis privilegii gaudente, ein Marckstect/ Ao. MDCC. Mense Jun. Parentibus honestis, Patre CHRISTOPHORO **Vulte** / Matre verò, MARIA MAGDALENA nata STRAVSIN. Quorum dilectissimorum Parentum sollicitudo eò directa semper fuit, ut & fundamentis fidei Christianae, & artium liberalium, curâ Præceptorum privatorum, optimè imbueretur filius. Crescente ætate, ut & crescerent studia ad Gymnasium Freibergensè missus fuit. Ubi B. Dni SAMVELIS HASSII, Con-Rectoris, & M. SAMVELIS MÖLLERI, Rectoris lectiones publicas æquè ac privatas, frequentavit. Hinc celeberrimam Universitatem Lipsiensem adiit, ibique à Rectore Magnif. Dn. D. RIVINO, in album Civium Academicorum relatus est. Et ut eo melius expectationi Parentis satisfaceret, à Collegiis Philosophicis ductu celeberrimi Dn. D. AVGVSTI FRIEDERICI MÜLLERI, initium Studiorum Academicorum fecit. In Jure por-

porrò B. Dn. D. PHILIPPVM, P. P. & Facultatis
Juridicæ Lipsi. Seniore, prima Jurisprudentiæ
Rom. elementa explicantem, & in reliquis Ju-
ris partibus, præsertim etiam in Processualibus
B. Dn. D. SCHACHERVM P. P. audivit. Le-
ctiones præterea Consultiff. Dn. D. CAROLI
OTTONIS RECHENBERGII, PP. publicas &
privatas frequentavit. Quorum Jctorum in-
dustriam, eruditionem, atque humanitatem,
debita mentis devotione veneratur. Nunc
specimina acquisitæ in Jurisprudentia scientiæ
editurus, Facultati nostræ literas obtulit, ut
examen subire rigorosum ipsi permetteretur.
Quare more à Majoribus nostris recepto, tex-
tus ex utroque Jure explicandos transmisimus
termino simul ad ipsum examen inaugurale
præstituto. Cum igitur nonsolum in expli-
candis illis textibus, sed & in ipso examine
optimè expectationi nostræ satisfecerit, idèd
omnium calculo dignus judicatus fuit, cui ad
reliqua specimina inauguralia imò ad ipsos ho-
nores in jure supremos aditus aperiretur. Le-
ctionem itaque cursoriam ad *d. L. 68. ff. ad L.
Falc.* & hac finita Disputationem Inaugura-
lem

DE

DE
ALIMENTIS PARTVI
ADVLTERINO & INCESTVO-
SO PRÆSTANDIS,

In Auditorio Jctorum Collegii Majoris pro-
ximo die Lunæ XIII. hujus Novembris, horis
consuetis, habebit. Quos Actus solennes ut
Reverendissimus Dominus Rector Universitatis
nostræ Magnificus, ac reliqui Domini Proce-
res, ac Cives, sua præsentia condecorare ve-
lint, decenter invitantur. Publicatum Do-
minica XXIII. post Trinitatis d. XII. hujus No-
vembris Anno MDCCXXX.

L.S.

ERFURT, Diss., 1730 (1)

ULB Halle


003 749 266

3



TA → OL





27

1730, 26

FACVLTATIS JVRIDICÆ
P. T.
DECANVS,
ERNESTVS TENZELL,
JCTVS,

EMINENTISSIMI AC SERENISSIMI PRINCIPIS
ELECTORIS MOGVNTINI CONSILIARIVS RE-
GIMINIS, JVDICII PROVINCIALIS ERFORDIEN-
SIS ASSESSOR, AC DICTÆ CIVITATIS
CONSVL PRIMARIVS.

L. B. S.



ERFORDIÆ,
Typis JOH. CHRISTOPH. HERINGII,
Acad. Typogr.

